


酒中仙

中華書局印行



小小說例言

一本書文字淺顯材料活潑名曰小小說凡已通文字者固可取以消遣卽略解字義者亦可藉爲通文之捷徑足爲社會教育及家庭教育之補助品


一本書材料皆本諸舊小說取其富有興趣而無傷道德者並於每種封面繪成彩圖鮮明悅目尤足助人興味

一舊小說向爲社會所歡迎惟事實之間凡有傷風化者本書概爲刪去文字之間或有原文太深及俚俗者本書概加改竄俾閱者易於領悟免涉歧邪

一本書每敘一段故事祇述本事之事實繁文駢語概從刪改文字分段另行排列尤易醒目起首結尾前後相應平時觀覽可悟謀篇布局之法虛字用法習見純熟自易貫通

一本書用三號字排印行款疏朗絕無蠅頭小楷字迹模糊致傷目力之弊小本精裝尤便攜帶

一舟車勞頓闌清閒手此一卷誠爲絕妙之消遣品



酒中仙

話說唐朝玄宗皇帝朝內有箇才子。姓李名白。字太白。又自稱青蓮居士。按西苑錦州人也。生得姿容秀雅。格清奇。飄飄然有神仙之概。十歲時便精通書史。記口成文。人都誇他錦綸繡口。又說他是神仙降生。圖此又呼他爲李謫仙。按市藏一生好酒。不求榮華。意四海看盡天下山水。嘗遍天下酒味。先登峨嵋。按津人。暢書

遊雲夢。復居於竹溪。與好友孔巢父等六人。日夕暢
飲。內中有一人姓杜名甫。又以酒中仙稱之。李白又
聽得人說浙江湖州之酒甚好。特誠來到湖州。到酒
肆中開懷暢飲。不覺微醉。高歌。門外適有湖州縣令
經過。聽得李白高歌之聲。差下人問是何人。李白說
明來歷。下人回報。縣令大喜道。原來是西川李謫仙。
快請相見。留在署中。暢敘十日。臨別問道。青蓮居士
如此高才。何不遊長安應科舉。白道。今朝政不明。公

道全無。有情面者登高第。納金錢者獲科名。若無情面金錢。雖有才具。亦屬無用。白所以祇願飲酒作詩。免受官子試官之氣。縣令道。雖然如此。先生之名。無人不知。一到長安。必有人保薦。李白從其言。往遊長安。

一日到長安後。往紫極宮遊玩。遇見了翰林學士賀知章。通姓道名。彼此相慕。知章遂邀李白於酒肆中。同飲至夜。依依不捨。乃留李白至家中下榻。次日李

白果將行李搬至賀翰林宅內。結爲兄弟。每日談詩飲酒。甚是相得。光陰迅速。不覺試期已近。賀翰林道。今年試官是楊貴妃之兄楊國忠太師。監視官乃太尉高力士。二人都是愛財之人。賢弟無金銀買囑他。便有通天學問。也不取你。見不得聖天子。此二人與下官相識。修一封書信去。預先囑託。或者看薄面一二。李白雖才大氣高。遇了這等時勢。況賀翰林情義。不好違阻。祇得由他去寫。賀翰林隨卽寫了書信。投

與楊太師高力士二人拆開看了冷笑道。賀翰林受了李白金銀。卻寫封空信。在我這裏討白人情。到那日如遇李白卷子。不問好歹。卽時批落罷了。時值三月三日。大開闈場。聚天下才子。考試文藝。李白才思有餘。一揮而就。第一箇交卷。楊國忠見卷子上有李白名字。也不看文字。亂筆塗抹道。這樣書生。只好與我磨墨。高力士道。磨墨也不配。只好與我著襪脫靴。喝令將李白推出去。李白怨氣冲天。回至賀宅立誓。

以後我若得志。定教楊國忠與我磨墨。高力士與我脫靴。方纔滿願。賀翰林勸道。且休煩惱。權在舍下安歇。待三年再開試場。別換試官。必然登第。終日共李白飲酒賦詩。日往月來。已不覺一載有餘。

一日有箇番使。賁了國書來見唐帝。朝廷急命召賀翰林陪接番使。在迎賓館住下。次日玄宗上朝。命翰林學士拆讀番書。一字不識。拜伏金階。啟奏道。此書似鳥獸之跡。臣等學識淺短。不識一字。天子聞奏。命

與試官楊國忠開讀。楊國忠開看。雙目如盲。亦不識得。天子宣問。滿朝文武。並無一人能識得者。不知書上有何言語。天子大怒。喝罵朝臣。枉有許多文武。並無一箇飽學之士。與朕分勞。此書識不得。將何從回答。番使卻被番邦恥笑。欺我無人。必動干戈。來侵邊境。如之奈何。予限三日。若無人識此番書。一概停俸。六日不識。一概停職。九日不識。一概問罪。別選賢良。共扶社稷。聖旨一出。諸官默默無言。甚爲著急。賀翰

林朝散回家。將此事與李白說知。白冷笑道。可惜我李某去年不曾及第。否則何至無人繙譯。賀翰林大驚道。想賢弟博學多能。必能辨識番書。下官當於駕前保奏。次日賀知章入朝。越班奏道。臣家有一秀才。姓李名白。博學多能。要辨番書。非此人不可。天子准奏。卽遣使命賁詔前去賀翰林宅內。宣取李白。李白告天使道。臣乃鄉僻秀才。無才無識。今朝中有許多大臣。都是飽學之士。何必問及微臣。臣不敢奉詔。恐

得罪了朝中貴官。李白說這句。恐得罪了朝中貴官。隱隱罵著楊高二人。使命回奏。天子問賀知章道。李白不肯奉詔。是何意思。知章奏道。臣知李白文章蓋世。學問驚人。只爲去年在試場中被試官屈批了卷子。推出門外。今日教他白衣入朝。心中慚愧。乞陛下賜以恩典。遣一位大臣再往。必然奉詔。天子道。依卿所奏。欽賜李白進士及第。著紫袍金帶紗帽牙笏。見駕。就命卿自往迎接。不可推辭。

賀知章領旨回家。請李白開讀。並備述天子求賢之意。李白穿了御賜袍服。望闕拜謝。遂騎馬隨賀翰林入朝。玄宗於御座專待李白。李白至金階。拜謝皇恩。躬身而立。天子一見李白。如貧人得寶。暗室得燈。飢者得食。大旱得雨一般。開口問道。今有番國來書。無人識得。特宣卿來譯讀。白躬身奏道。臣因學問淺陋。被楊太師批卷不中。高太尉將臣推出試場。今有番書。何不令二人回答。卻要番官久滯在此。臣是被批。

斥的秀才。不能稱試官之意。怎能稱皇上之意。玄宗道朕自知卿。卿勿推辭。遂命侍臣捧番書使李白觀看。李白看了一遍。微微冷笑。對御座將漢音譯出。宣讀如流。番書云。渤海國大可毒。書達唐朝皇帝。自你占了高麗。與我國逼近。邊兵屢屢侵犯我界。想出自皇帝之意。我今不能再耐。差官來講。可將高麗一百七十六城。讓與我國。我有好物相送。太白山之兔。南海之布。棚城之鼓。扶餘之鹿。鄭頡之豕。率賓之馬。沃

州之綿。湄河之鱣。九都之李。樂遊之梨。你皇帝都有分。若還不肯起兵來廝殺。且看那家勝敗。衆官聽得讀罷番書。不覺失驚。面面相覷。做不得聲。天子聽了番書。龍顏不悅。沉吟良久。方問兩班文武。今番邦要興兵。搶占高麗。有何策可以應敵。兩班文武如泥塑木雕。無人敢應。賀知章啟奏道。自太宗皇帝三征高麗。不知殺傷多少人馬。不能取勝。財力爲之消耗。天幸蓋蘇文死了。其子爭權自鬩。高宗皇帝遣老將李

勦薛仁貴。統百萬雄兵。大小百戰。方纔滅卻。今承平
日久。無將無兵。倘干戈復動。難保必勝。兵連禍結。不
知何時方止。願吾皇聖鑒。天子道。似此如何回答他。
知章道。陛下試問李白。渠善於辭令。必能對付。天子
召李白問之。李白奏道。此事不勞聖慮。來日宣番使
入朝。臣當面回答番書。與他一般字跡。書中言語。嚇
他一番。須要番國可毒拱手來降。天子道。可毒何人
也。李白奏道。渤海風俗。稱其王曰可毒。與中國稱天

子一樣。天子見李白應對不窮。心中大悅。卽日拜爲翰林學士。設宴於金鑾殿。傳旨令開懷暢飲。休拘禮節。李白遵旨。不覺大醉。天子乃令內官扶到側殿安睡。

次日五鼓。天子升殿。李白宿酒未醒。內官催促進朝。百官朝見已畢。天子召李白上殿。見其面尙帶酒容。兩眼還有朦朧之意。遂吩咐內官。教御廚房中造三分醒酒酸魚羹來。須臾內官用金盤捧到魚羹一碗。

天子見魚羹太熱。親取牙筯調之良久。賜與李學士。李白跪而食之。頗覺爽快。是時百官見天子破格相待。且驚且喜。惟楊國忠、高力士見了。頗有不樂之色。當時宣番使入朝。番使拜舞已畢。李白紫衣紗帽。手捧番書。立於右側。朗聲而讀。一字無差。番使大駭。李白道。小邦失禮。聖上大度包容。不與計較。有詔批答。汝宜靜聽。番使戰戰兢兢跪於階下。天子命設七寶牀於御座之旁。取白玉硯。兔毫筆。龍香墨。金花箋。排

列停當。賜李白近坐御榻前錦墩上書詔。李白奏道。臣靴不淨。有污寶席。望皇上寬恩。賜臣脫靴而登。天子准奏。命小內官與李學士脫靴。李白又奏道。臣有一言。乞陛下赦臣狂妄。臣方敢奏。天子道。卿且奏來。李白奏道。臣前入試春闈。被楊太師批落。高太尉趕逐。今日見二人在朝。臣之神氣不旺。乞命楊國忠與臣捧硯磨墨。高力士與臣脫靴。庶臣神氣恢復。舉筆草詔。方可不負君命。天子用人之際。恐拂其意。只得

傳旨教楊國忠捧硯。高力士脫靴。二人心中暗暗自思。前日科場中輕薄了他。今日恃了天子一時之寵。就來報復前仇。又不敢違背聖旨。出於無奈。只得遵旨而行。李白此時昂昂得意。躡足登牀。坐於錦墩。楊國忠磨得墨濃。捧硯侍立。若論官爵大小。什麼李學士坐了。楊太師反而侍立。因李白口代天言。天子賜坐。楊太師奉旨磨墨。不曾賜坐。只得侍立。李白左手將鬚一拂。右手舉起兔毫向五花箋上手不停揮。須

與草就嚇蠻書一紙。呈於龍案之上。天子看了大驚。都是照樣番書。一字不識。傳與百官看了。亦是駭異。天子命李白誦之。李白就御座前朗誦一遍。文曰。大唐開元皇帝詔諭渤海可毒。從來石卵不敵。龍蛇不鬪。本朝撫有四海。將勇兵精。甲堅兵銳。高麗違命。天討再加。傳九百年。一旦滅亡。豈非逆天之咎。爾國乃海外小邦。高麗鄰國。比之中華。不過一郡。士卒芻糧。萬分不及。若不守臣禮。出言無狀。天兵一下。千里流

血君爲俘虜。國等高麗。方今聖度寬洪。恕爾狂悖。急宜悔禍。毋取誅戮。特諭。讀畢。天子大喜。再命李白對番官宣讀。然後用寶入函。李白仍叫高太尉著靴。方纔下殿。喚番官聽詔。李白重讀一遍。讀得聲韻悠揚。番官不敢做聲。面如土色。拜辭而出。賀翰林送出都門。番官私問道。方纔讀詔者何人。翰林道。姓李名白。官拜翰林學士。番使道。多大的官。使太師捧硯。太尉脫靴。翰林道。太師大臣。太尉親臣。不過人間之極貴。

那李學士乃天上神仙下降。贊助天朝。更有何人可及。番使點頭而別。歸至本國。與國王述之。國王看了國書大驚。與國人商議。天朝有神仙贊助。如何敵得過。遂上了降表。願年年進貢。歲歲來朝。不敢侵犯。天子閱表大悅。更敬重李白。欲加官職。李白啟奏。臣不願受職。願得逍遙散誕。隨侍御前。天子道。卿既不受職。朕所有黃金白璧。奇珍異寶。惟卿所好。李白奏道。臣亦不願受金玉。願從陛下遊玩。日飲美酒三十觴。

足矣。天子知李白清高。不忍相強。從此時時賜宴。留宿於金鑾殿中。恩幸甚隆。

有一日玄宗在宮內設宴。賞玩牡丹。意欲召李白進宮賜宴。內官至李白寓中。問起童兒。說是往長安市上酒家去了。內官尋至酒樓。只見李白占著一箇小座頭。桌上花瓶內供一枝碧桃花。獨自對花而酌。已吃得酩酊大醉。手執酒杯。還是不放。內官上前道。聖上在沉香亭。宣學士快去。衆酒客聞得有聖旨。一

時驚駭。都站起來觀看。李白全然不理。張開醉眼。向內官念一句詩道。我醉欲眠君且去。念完之後。就沉沉睡著。內官也有三分主意。向樓窗口往下一招。七八箇從人。一齊上樓。擡李學士到了門外。上了馬。衆人左右扶持。直跑到五鳳樓前。天子又遣內官來催。敕賜走馬入宮。內官遂不扶李白下馬。直跑至沉香亭。天子見李白在馬上。雙目緊閉。還未醒來。命內官鋪錦被於亭側。扶白下馬少睡。親往看視。見白口流

涎沫。天子親以龍袖拭之。楊貴妃在旁奏道。妾聞冷水注面。可以醒酒。乃命內官汲慶應池中之水。使宮女含而噴之。白夢中驚醒。見御駕大驚。俯伏道。臣該萬死。幸陛下恕之。天子親手攙起道。今日同妃子賞名花。所以特召卿來共賞。隨命貴妃持玻璃七寶杯。親酌葡萄酒。西涼酒。命宮女賜李學士飲。天子敕賜李白遍遊內苑。令內官將美酒隨在後面。供其酣飲。自是宮中內宴。李白每每被召。惟高力士深恨脫靴之

事。時時在楊國忠面前挑撥。教他同妹子楊貴妃商量。在天子面前進讒。以報前仇。楊國忠本因李白教他磨墨。心中懷恨。怎經得高力士一說。便在貴妃前懇求。貴妃因兄妹之情。每在天子前說李白輕狂。使酒。無人臣之禮。天子見貴妃不樂。遂不召李白內宴。李白情知被楊高二人中傷。天子有疎遠之意。屢次求去。天子心下實是愛重李白。只爲李白去志甚堅。挽留不得。乃對李白道。卿有大功於朕。豈可白手還。

家卿有所需。朕當一一給與。李白奏道。臣一無所需。但得日沽酒一醉足矣。天子乃賜金牌一面。牌上御書敕賜李白爲無憂學士。逍遙秀才。逢坊吃酒。遇庫支錢。府給千貫。縣給五百貫。文武官員。軍民人等有失敬者。以違旨論。又賜黃金千兩。錦袍玉帶。金鞍龍馬。隨從二十人。白叩頭謝恩。天子又賜金花二朶。御酒三杯。於駕前上馬出朝。百官俱攜酒送行。自長安直至十里長亭。只有楊高二人。懷恨不送。內中惟賀

翰林直送到百里之外。流連三日而別。

李白在一路上。屏去從人。打扮做秀才模樣。身邊藏了御賜金牌。帶一小僕。騎一健驢。任意而行。府縣酒資。照牌供給。忽一日行到華陰界上。聽得人言華陰縣知縣貪財害民。李白一心要去治他。來到縣前。令小僕退去。獨自倒騎著驢子。於縣門首來回三次。那知縣在堂上審事。看見了連聲道。可惡可惡。怎敢如此輕狂侮弄我。令公差拿至堂上審理。李白詐醉連

問不答。知縣令先下獄。待他酒醒。再行判斷。獄卒遂將李白推入牢中。白見了獄官。哈哈大笑。獄官道。此人想是瘋癲。李白道。也不瘋。也不癲。人稱我是酒中仙。獄官道。既不瘋癲。好生供來。你是何人。爲何衝撞縣主。李白道。要我供狀。取紙筆來。獄卒將紙筆放於案上。李白寫道。供狀錦州人。姓李。單名白。曾草嚇蠻書。曾在金鑾宿。魚羹御手調。酒涎龍袍拭。高太尉脫靴。楊太師磨墨。天子殿前尙容乘馬行。華陰縣裏不

許騎驢入。請驗金牌。便知來歷。寫畢遞與獄官。獄官看了。說得魂飛魄散。低頭下拜道。學士老爺。可憐小人。蒙上司差遣。身不由己。萬望恕罪。李白道。不干你的事。只要你對知縣說。我奉金牌聖旨前來。所得何罪。拘我在此。獄官拜謝了。卽忙將供狀呈與知縣。并說有金牌聖旨。知縣此時如小兒初聞霹靂。無地可避。只得同獄官到牢中。參見李學士。叩頭哀告道。小官不知。駕到。一時冒犯。乞賜憐憫。在職諸官聞知此事。

都來拜求。請學士到堂上正面坐下。衆官庭參已畢。李白取出金牌與衆官看。衆官看罷。一齊低頭拜道。我等都該萬死。李白見衆人苦苦哀求。笑對知縣道。你既受國家爵祿。如何又去貪財害民。如若改了前非。方免汝罪。衆官聽罷。人人拱手。箇箇依遵。不敢再犯。就在廳上大排筵宴。款待學士三日。又大醉了幾次。方散。自是知縣遂將前非痛改。成一好官。他縣間得此信。都猜是朝廷差李學士私行考察。無不化貪。

爲廉。從此李白酒中仙之名。遂傳遍天下。無人不知。



民國六年八月初版
民國十年七月三版



(小小說)

每冊定價銀五分

編輯者

中華書局

發行者

中華書局

印刷者

中華書局

印刷所

中華書局

總發行所

中華書局

上海福州路河南路轉角

分發行所

各省中華書局

